

Tegemise rõõmu täüs Joonasõ Inno

Kae lk 2

Põrknaclubi juhatas Kündjä latsi nõnnapite luudusõ ja maatõie mano

Kae lk 3

Rebäse ja kassi tsõõrimäng

Kae lk 4



9 771406 192205



Suvõüllikuul säitsme järve maal. Kaika suvõüllikooli neläs matkapäiv oll' 30. hainakuul Rõugõn. Päiv nakas pääle ettekandidõga Rõugõ kunstikuurin. Allasõ Tiia Võro instituudist võtt jutus maastigumärgi võro kirämihi, säälhulgan Jaigi Juhani loomingun. Rõugõ aoluust ja umist mälehtüisist kõüdüs-sen sünnüpaigaga kõnõli Tootseni Toivo ja seoaastadsõ suvõüllikooli rektri Kauksi Ülle.

Pääle lõunat käüti ihojalaga läbi Rõugõ kõgõ märgilidsembä kotussõ, alostõn Kaarnakivi kujost ja lõpõtõn vesioinaga. Punkti sai päiv jäl kunsti-kuurin, kon astsõ püüne pääle Kauksi Ülle perreansambli Baaba ja Ka.

Pildi pääl om kõnõlõmis- ja kullõmissaisahus Ööbiguoron: teedüstahvli all sais suvõüllikooli timahavanõ rektri Kauksi Ülle.

KABUNA KAILE jutt ja pilt

Ökofestivalil om tegemist tervele perrele

21. põimukuu peetas Karilatsi vabaõhumuusõumin Öko-festivali perrepäivä. Värte tetäs vallalõ kell 9 ja pandas kinni kell 16.

Festivali müügilaudu päält saa osta käsitüükraami, luudu-sõ- ja tervüsekaupu, niisama mahhet söögikraami, maa- ja mõtsaandõ.

Pääle laadumelu pakutas festivalil kultuuriprogrammi ja huvilidsõ löüdvä aoviidüst tüütarrin.

Nuuri oodõtas näütlemislaagrilõ

15.–16. põimukuu saava 9–16 aasta vannudsõ noorõ Vahtsõ-liina rahvamajan näütlemis-oppust, kon päärrõhk om võro keelel ja nafategemisel.

Katõ päävä kavan omma tüütarõ ja tiatrimängu, laag-ri lõpus pandas kokko väiku

näütemäng. Tegemiisi võtt iist lavastaja ja näütlejä Tagamõtsa Tarmo.

Huvilidsõ piäsi olõma rahva-maja man platsin iispäävä inne-lõunal kell 11.30, üten madrats, tekk ja padi, vahetus- ja ujo-misrõiva, mõsoasä ja hää tujo. Kirja saa hinnäst panda mei-liga: sydamessoojus.poues@gmail.com.

Giidituuri Vana-Võro- maa käsitüü näütusel

Põimukuu alostusõst pääle saa Kandlõn liinagalõriin kaia Vana-Võromaa käsitüü näütüst «Meistre kässiga luudu».

Kiä taht seo kandi käsitüü-liidsist ja näide luumisõ kuns-tist inämb teedä, tuul mass säadi sammu Kandlõhe Võro liinapäivi aigu: 19. põimukuu kell 13 saa tetä näütusel tsõõri-käügi üten välläpanõgi kuraatri Alla Helvega ja 20. põimukuu kell 13 Vana-Võromaa käsitüü-tegijide iistvõtja Oja Vilvega.

UL

Vana-Võromaa saatkund Seto kuningriigin

Minevä puulpäävä peeti Luha-maal Seto kuningriigi päivä. Pidopäävä kõgõ suurõmb sünd-müs oll' vahtsõ ülembsootska valiminõ: Peko asõmik maa pääl om järgmäde 12 kuud Gomozova Anzelika.

Nigu joba aastit kombõs, oll' kuningriigin tõisi küläliid-si siän uma lipu all platsin ka Vana-Võromaa saatkund.

Pildi pääl toimõndas võrokõi-si saatkunna man Vana-Võro-maa käsitüüvõrgustu iistvõtja Oja Vilve.

UL



Võrolõ tulõ kirändüsuulits

KABUNA KAILE

19. põimukuu tetäs Võro liinan vallalõ kirändüsuulits, miä lätõ Katariina kujo mant Kreutzwaldi avvosamba mano. Kreutzwald om üts Võro ku kirändüliina hundamendi ehitäjä ja Katariina II üts kiränikõlõ pallo lätteinõt andnu inemine. Näide katõ vaihõl saa huvilinõ uulidsa pääl kaia, kullõlda, lukõ, tetä pallo kõüdüssen raa-matidõ ja kirändüsega.

Kirändüsuulidsa mõtõ tull' Kreutzwaldi majamuusõumi pernaasõl Hollo Aimil päält tuud, ku tä oll' jalotanu Ta-f-na ja Pärno kirändüsuulitsal. «Mille ei võinu Võrol kah olla kirändüsuulits, ku tan om elänü eesti kirändüse üts läte – Kreutzwald,» ütelf tä. «Innekõgõ om suuv juhata inemise seo ettevõtmisõga raamadu mano, et raamat tõtõst jõvvasi kõigi kätte, kiä timä vasta huvvi tundva.»

Festival om valla kõigilõ, kiä tahtva tulla kirändüsest ja raamatist kõnõlama ja näid tutvvas tegemä. Ette-võtmisõn lüü üten näütüses Võromaa keskraamadukogo. Kreutzwaldi pargin saa raa-

matit lainuta ja lukõ ja tuu mano hällüpäävähõvi rüübädä. Seol raamadukogodõ teema-aasta põimukuu saa Võromaa kes-kramadukogo 113aastadsõs.

Pääle kokkosaamiisi raama-tidõga pakk festival võimaluisi trehvädä kiränikega, säähulgan võro kiränikega. Videotervi-tüse tege Kauksi Ülle, kohal omma Häniläne, Rahmani Jan, Laanõ Triinu, Kelbä Heiki, Kronbergi Janika ja Contra. Viimäne võtt huvilidsõ üten ja tege näidega ka üte liinatsõõri «Uma liin, uma kiil». Uma aig andas kirändüsuulitsal püüne pääl viil noorilõ luulõlugõjilõ, kinkal umma loomingut kaasi vaihõl viil ei olõ.

Eräle om mõtõldu latsi pää-le. Näile pakutas alatõn kelläst 11 mitmõsugumaidisi tegemiisi telgin Vana-Võromaa kultuu-rikua kõrval. Latsilõ ja nuurilõ pakk arvada huvvi ka fotoboks Lauluesä samba man, kon saa hindäle lavaasjuga vahtsõt vurhvi anda ja sis pilti tetä.

Päiv ei lää jumalihe ilma muu-sikalda. Kellä 15 aigu and Mee-lise & Katrini duo kirändüse-sõbrulõ kontsõrdi «Pargiviisi». A päävä seen luvvas võimalui-si kullõlda Ruusmaa Vootele helindüisi, mille luumisõs om andnu tälle mõttit Vana-Võro-maa luulõtajidõ looming.



KABUNA KAILE PILT

Noorõ kirändüssõbra Raju Elisabet ja Parhomenko Maara kutsva kirändüsuulitsalõ ummi luuleettekandit kullõma ja näütäse Katariina kujo man tulõjilõ joba tiotsa kätte.

Võro keele laagrihe jõudsõ latsi liinast ja laanõst

UL

Mõnistõ ja Karilatsi muusõu-mi võro keele laagrilõ haina-kuul tull' kirriv seltskund latsi: mitmõlt puult Vanalt Võromaal, a ka Talnast, Tar-tost ja juuri pite esiki Hiina-maal.

Mõnistõ muusõumi laagrilatsõ saiva üumajja rahvamajan. Lat-siga kammandi Mannasõ Külli ja Pazuhaniitši Asta. Laagrilid-silõ pakuti nii kässi vaihõl tege-miisi – lastu pääle maalminõ, savist eläjide vuulminõ, kõo-tohost nikõrdaminõ, kedervar-rõ pruukminõ – ku ka ümbre-kunnan roitmist. Üts välläsõit vei Valgamaalõ Mäekalle tallo (OÜ Elukutsar) hobõsit, ees-lid ja ponisid kaema ja tõnõ Alaveski eläjäparki, kon kõgõ inämb tähelepanno sai nõgla-tsiiga ummi poigõga.

Õdagu sai tulõ ümbre istu, laulda ja tandi. Üts küläline käve Mõnistõn tulõõdagul kah: Palo Timo ummi põnõvidõ jut-tõga käügest maakerä põha- ja lõunapoolusõ pääle.



Margna Epu (häädkätt) kunstitunn Katrilatsi võro keele laagrin.

Karilatsin saiva laagrilatsõ kolmõ päävä seen kivi pääle maali, vibuga laskõ, perimüs-liidsi mängõ mängi, matkatar-kuisi oppi, laulda ja muidoki ümbrekunnan ringi kävvü:

Merioone lätte man ja Tilleoron. Tulõõdagu üllätüsküläline oll' Contra, üten muidoki luulõria. Laagriello kõrraldi Asuri Diana ja Langi Tiina.

Võro keele laagri om mõtõld

latsi ja nuuri nii-üteldä keele sisse tsuskamisõs, keelega tut-vas tegemises. Säänest laagrit om Võro instituudi iistvõtmisõl kõrraldõt joba paarkümmend aastakka.

Põrknaklubi juhatas maatöie mano

KABUNA KAILE

Kündjä küläseltsi mano luudu Põrknaklubi om umma nimme väärt, selle et ku leheluu tegijä külä-maja mano jõud, omma paar klubi liigõt noorõ pörkna süümisega õkva päälside mano jõudnu. Ilm om illos ja tujo om kõigil hää.

Küläseltsi iistvõtja ja Põrkna-klubi kõnnõisik Kuusiku Helgi tege jutuotsa õkva valla. Selts om olnu pikkä aigu hoolõn kogokunna inemiisi ütenhaardmisõga, a ütël pääväl kūssevã latsõ, mille om kõgõ tsihtrühm vanõmba, a näile eräle ei olõ üttegi ettevõtmist. Säält sündü vanõmbil Põrknaklubi luumisõ mõtõ. Klubi juhtlausõs sai «Maal elämise kunst» ja tsihis opada latsilõ, miä luudusõn aasta joosul sünnüs ja kuis süük aia ja nurmõst lavva pääle jõud. Põlitsõl põllupidäjäl om või-olla rassõ usku, a noorõmbal põlvõl om tõnõkõrd keerolinõ pörknapäälsil ja tillil kah vaiht tetä.

«Kõigil perril ei olõ inämb pindremaad, esiki maalatsõ nakkasõ maatöiest võõrduma,» pand Helgi täämbädse päävä saisu sõnno sisse. Keväjä tulf kotusõpääline põlu- ja põllumassinidõ pidäjä appi ja avit Kündjä küläseltsi maja taadõ pindremaa tetä. Põrknaklubilidsõ saiva teedä ja kaia, mis ja kuis keldri ja külmäkapit täütümise maaha pandas. Muiõ tegemiisi siän kääti uudistaman, määndse omma uibu ja tõisi viläpuiõ



KABUNA KAILE PILT

Kuusiku Helgi ütlen kõgõ pörknahimolidõmbidõ latsiga virkse vaihõl. Kavvõmbal kaeja võtva viil huugu.

häftsme: Eesti Vabariigi 100. hällüpäävä puhul tetti Kündjä küläseltsi maja taadõ jo saa viläpuuga aid.

Esiki talvõl ei lää Põrkna-klubi lakja. «Talvõl omma uma rõõmu ja kaemist väärt aša. Kõik puuliigi omma jo ummamuudu: näil om uma

kruun, midä näge häste õkva sis, ku lehti külen ei olõ,» ütles Kuusiku Helgi kimmä tahtmisõga avita latsil egäl aastaal luudusõst parõmbalõ arvo saia. Kaiõn ja kumbatõn ja miä viil väega tähtsä – lõhnu nuhutõn.

Keväjä tettü põllu pääl kasusõ nüüd pörkna, sibula, ve-

revä peedi, kardohka, maaśka... Kõik aiakraam om joba parajalõ lihhav. Kuis latsil kitskmine lätś? Kuusiku Helgi sõnno perrä es lää väega häste: ütlen hainaga tükse ka külvet kraam vällä tulõma. «A kül seo aig viil tulõ, ku mi seo tüüga kah nakkama

saami,» hoit Helgi luutuisi korgõl.

«Seo om mu lemmikkotus,» ütles Põrknaklubi Sandra seldsimaja-tagodsõ pindremaa kotsilõ. Kõrras paistus, et tä tege vast nalla, a ku edesi kõnõlda, lätt tuu tundminõ üle. Kūsümüse pääle, miä teile

Priinime lugu

Rubriigin kõnõldas perekunnanimi periolõmisõst ja tähendüsest.

Ventsel ja Ventsli

Nimel *Ventsel* om Eestin 225 kandjat. Vannamuudu nimekujul *Wänzel* om kandjit 17, *Väntzel* – alla kuvvõ. Nimekujul *Ventsli* om kandjit 12.

Õdagupoolidsõl Võrumaal eläs kõiki üles loetuidõ kirälike nimekujõ kandjit ja muiduki kutsutas näid suulidsõlt üttemuudu nimekujuga – *Ventsli*.

Seo nimi om ka saksa perekunnanimi. 1816. aasta hingõlugõmisõn lõvvüs Talfnan *Wentzel*(l), Talfnan ja Võrun *Wenzell*. Mõisit, kon eestlãisile sääne priinimi panti, om üle Eesti 15.

Võrumaa ainukõnõ kotus om Vaabina mõisa. Siin panti *Wenzel* Hindriku Juhani poigõlõ. Üte poja nimi *Jaan Wenzel* om ka hingelugõmisõ protokollilõõ alla kirutõt, tä olf valla kohtumiisi. Lisas saiva Ventsli priinime Undrusõ sulanõ Meos ja Matu mõtsavaht *Wilhelm* ummi perridega. A Urvastõ kerigu personaalraamatidõ nimekuju nakaś näil olõma *Wänzel*, mis, nigu nätä, om täämbädsemi edesi püsünü.

Sangaste kihlkunna Kuigatsi ja Vaalu mõisan panti priinimi hingelugõmistõ umasütletjã kujul *Wenzli*. Sangaste keriguraamatin om nimepandmisõst pääle *Wenzel*. Säält suguvõsast tulõva päämidõselt täämbädse ammõtliku nime Ventsli kandja.

SAARÕ EVAR

Muu seo nime algkodu hingelugõmiisi perrä omma Pidula mõisa Saarõmaal, Vastemõisa Viljandimaal ja tervelt 10 mõisat Eestimaa kubõrmangun: Kirdalu, Tohisoo, Uue-Karjaküla, Valingu ja Ääsmäe Harjumaal, Oisu, Särevere ja Türi-Alliku Järvamaal, Sinalepa Läänemaal ja Porkuni Virumaal. Lisas panti Kautjala mõisan sama tähendüsega *Wensel*, a tuu nimi arvada omgi kiräpildi Vensel manu jäännõ (9 kandjat).

Nime alussõs om saksa edeniimi *Wenzel*, minka alussõs umakõrda õdaguslaavi *Venceslav*. Tšehhi keelen om seosama nime kuju *Václav* [vaatslav]. Üts kõgõ kuulsambit Venceslavõ aoluun ollegi Tšehhimaa vürst Václav Pühä 10. aastasaal, saksa muudu *Wenzel von Böhmen*. Václavi surm olf tõistmuudu ku tõisil pühämiihil. Tä läts lubadust piten uma vele Boleslavi lossi, kuigi tedä hoiatõdi, et Boleslav taht tedä tappa. Külän ollõn tulfgi tapõlus ja ku Boleslavil mõõga käest rabanu ni esi haavata saanu Václav tahtsõ lossi kerikulõ pagõda, pand säälnõ papp tãl nõna iin ussõ kinni, nii et Václav kuuli tapõlusõn kerigu ussõ iin.

Wenzel olf keskaol ja viil esiki 18. aastasaal edenimi Liivi- ja Eestimaa sakslaisi hulgan. Kas maarahva priinimes panti seo nimi saksa perekunnanime perrä vai olf mõnõl nime saajal ka uma edevanemb ristinimega Ventsli? Tuudki ei saa joht võimatus pitä.

Eesti kõgõ kipõmb kihãlidse kasvatusõ oppaja

LUIGÕ HELERY

Võromaalt peri Saua Kristin om hää näude, kuis harotaminõ tege meistris. Tuud kõgõ õgvõmban mõttõn. 24aastanõ Võro tütarlats tulf 2021. aastagal Eesti meistris kergejõustikun 200 miitre joosun. Samal aastagal sai tä neli hõpõmedãlit Eesti meistrivõistluisil.

Kristini meistris harotaminõ nakaś pääle Parksepã kesk-koolin, ku kihãlidse kasvatusõ oppaja Hüti Sirje pakk 2. klas-sin vällä, et tä võisi tulla Võro spordikuuli kergejõustigutrenni. Trenni tetti mitu korda nädãlin, nii kavvõlõ- ja korgõlõhüppãmist ku ka sprinti, pikãmaa- ja tõkkõjuuskmist.

Kipõstõ sai selges, et Kristini kõgõ kõvõmb ala om sprint, ja tuu pääle naati ka õkva inämb rõhku pandma. Tä käve Parksepa kesk-kooli iist võistlõman nii maakundliidsil võistluisil ku ka üleriigilidsel TV 10 Olümpiastarti safan ni 2012. aastagal võit üleriigilidsel võistlusõl kuldmedãli 60 miitre joosun. Edimãne Eesti meistri tiitl tulf 2013. aastagal 100 meetri joosun.

2014. aastagal lõpõf Kristin põhikooli ni gümnaasiumi-aastidõ joosul jäi trenn taadõpoolõ. Päätähtsä olf opminõ. A sport olf sõski hingen ja tä



Saua Kristin 2021. aastal Balti meistrivõistluisil Valmieran.

alost opmist Tarto Ülikooli kihãkultuuri eriala pääl. Tõsõl opiaastagal sai timãst ka kihãlidse kasvatusõ oppaja Mellis-te koolin.

Tuusama aastaga mãrdikuun otsusf Kristin alosta vahtsõst kergejõustigutrenni ja võtta tsihis iks sprindi. Poolõ aastaga perãst, 2019. aastaga suvõl, võitsõ tä Eesti meistrivõistluisil uma edimãdse medãli: hõpõ (100 m) ja pronksi (200 m) Võro Lõunalõvi spordiklubi kuunsaisun. Tuu andsõ tãlle

joudu viil inämb trenni tetä.

Kuna Kristinil olf tahtminõ saia kihãkultuuri erialal magistrikraat, olf tãl neli aastaka kimmãs rutiin: kuul, tüü ja trenn. Muiõ tegemiisi jaos aigu väega es jakku, selle et trenniga tulf ütlen ka pallo võistluisi kõgõn Baltikumin. 2021. aastagal sai tä Balti meistrivõistluisil kolm medãlit: kats hõpõt ja üte pronksi.

A tuu olõ õs aasta tipp. 2021. aastaga suvõl võistõf Kristin Eesti iist kergejõustigu Õuruu-

klubi tüüst seeni miilde om jäännü, ütles Mario pörknast haugatõn, et timãle miildü võilulillikrantsi tetä. Tulõ vällä, et mõnõlõgi olf tuu edimãne kõrd sääne asi valmis poimi. Lisette and teedã, et tãlle miildüs kardohkavõtminõ. Tuu tähendãs sis, et timã korgõ hetke pindremaal omma viil iin.

Lõpus panõmi virkside veeren kãe kah külge. Latsõ otsva parra suurusõga pörknit ja Helgi näütãs, kuis näid tulõ vällä tõmmada: iks nii, et lõngutat veidükese siia-sinnã ja sis kaksat. Pörknas kãen, pühitãs tuu haina pääl mullast puhtas. Ja registamisõs lättki. Makõ omma neo noorõ pörkna kül. Helgi kitt, et õkva nii om latsi jaos õigõ ja hää: nuu mõnõ pörkna külge jäänu mullaterãkese andva süüjãle maajõudu, miä avitas tõvõkimmüst nõsta.

Ooda, a mille klubi säändse nime sai? Tuuperãst, et latsõ omma klubin mitmõn vannusõn ja pikkusõn, a pörknas põllu pääl või kah olla esi suurusõn – olõnõs, kuis kasumisõs ruumi jääs.

Egãl juhul lätt Põrknaklubi huuga edesi. Pia om iin raba-matk, et kaia umalt pindremaalt kavvõmbalõ. Edesi uutva roho- ja maiguhaina üleslõõdmist. Sügüse kokatas umakasvatõdust kraamist kimmãle midãgi hãäd. No ja pikã plaani omma kah, tulõvas aastas: näütuses mutakidõ ja tsirkõga tutvsa saia.

Kiã taht Põrknaklubi tegemiisist inämb teedã saia, tuul mass kaia Porgandiklubi postituisi Instagramin.

pa võistkundliidsil meistri-võistluisil Rumeeniãn katõl alal: naisi 200 miitre joosun ja naisi 4 x 100 miitre joosun, kon tä olf ütlen Kããrti Karoli-ni, Suumanni Diana ni Verlini Kreetega.

Samal aastagal juussõ tä ka uma parhilladsõ rekordi: 200 miitret aoga 23.90 sekundit. Tuu aoga om Saua Kristin Eesti Kergejõustiguliidu edetabõlin lãbi aigõ viiendã kotsussõ pääl. 100 miitre joosun om timã rekord 11.81 sekundit. Kristini kõgõ suurõmba plaani omma kõüdedü suurvõistluisi normõga, näütuses taht tä saia 2024. aastagal Pariisi olümpiamãngele.

Seo aasta kevãjä olf Kristin kuun uma treeningrühmã liik-mõga üle katõ nãdãli Portugalin laagrin. Noorõ tei päävãn kats kõrda trenni. «Suvõ algusõn nãütsi trennisüstemi, et vorm om väega hää. Kahõs pidi ma jãtmã 2022. aastaga vaihõlõ vigahusõ perãst,» ütles tä.

Timahava lõpõf Kristin Tarto Ülikooli ja sai kãtte magistrikraadi. Sügüesest om tãl plaan trenni ja kihãlidse kasvatusõ oppaja tüüd kah edesi tetã. Sammamuudu and tä Melliste kooli latsilõ kergejõustigutsõõri tunnõ. Säält võiva jo tulla vahtsõ Eesti meistri kas sprindin vai sõs hoobis mõnõ muu ala pääl.

Proovimagaminõ

PLUMANNI KAJA-RIINA

Tuust sai minevä suvi 56 aastakku, ku mu tulõvanõ tull' edimäst kõrda Võrolõ. Ma es julgu tedä Kubijalõ kodo kutsu. Meil es olõ maja viil valmis, ellimi hoovimajan ja ruumi es olõ nii pallo ku vaia. Piitre võtt tarõ Tamula võdrastõmajja. Pääväl koosõrdimi Tamula veeren ja Andsumäel ja egäl puul muialgi, a õdagus lätsi ma umma kodo ja timä Tamula majja. Aasta omma lännü, elo kisk üle poolõ aastasaa Tafnan elämist jälki juuri mano tagasi. Kubija maja, miä saisõ aastit tühält, sai maaha müüdüs. Võrolõ sai ostõtus kortõr, miä nii liina süämen ku süämen. Aknõ all kunagidsõ Kanepi praosti Rothi maja, miä om viil vanõmb ku Võro mõisamaja, kon nüüd om gümnaasium. Vahepääl tull' Piitrel plaan minnä elämä Tamula majja. Et panõmi keskliina kortõri müüki ja kül midägi muud saa kah viil Tafnan är müvvä. Tamula maja kortõri hind olf kõva. Sai iks kaubõldus kah. Umanik ja ehitäjä ütelf, et mi olõmi nigu suumlasõ, tahami 20% hinnast alla saia. Mi tahtsõmi kül õnnõ 10%, a es anta perrä. Mu sõbranje, kiä eläs jo 30 aastakka Ameerikan, taht kah Eestimaalõ kuulma tul-



REIMANNI HILDEGARDI TSEHKENDUS

la ja ütelf, et ärku ma nii huupi midägi ostku. Küsse, kas olõ iks proovimagamisõ sääl Tamula majan är tennü. Selef, et näil Ameerikan lastas vahel inne ostmist nätal vai rohkõmpki seen ellä. Ma es saa asast arvo. Ütli, et kõik saina mõõdi üle ja vuugivaihõ olõ kah üle kontrolnu, nii hääd kvaliteeti ja kallist parketiti ja muud värki olõ-õi muial nännüki. Kai jo, kohe saina sängü panõ ja kohe nulka tele-

vussõri. «Kas naabritõga olõt kah tutvas saanu?» küsse sõbranje edesi. Armas aig, midä kõikõ piät tiidmä! Mu Piitre tahtsõ iks saia kortõrit õnnõ Tamula majja. Ma sis ütli mehele, et Kreutzwaldi uulitsat pite käü nii kõva liiklus ja piäs tõtõst pruuvma, kuis tuu sääl seen tunda and. A mi es tihka inämp umaniku-ehitäjä ja arõndajaga ühendüst võtta, et tuu proovimagaminõ kah är tetä. Päälegi naksi pääle liina

sünnüpäävä ettevalmistusõ ja tuud sagimist olf muudki. Üts õdak lätsimi Koidula uulitsat pite Kreutzwaldi uulitsani ja istsõmi sinnä Tamula maja ette pingi pääle. Naksimi müüdä sõitvit autit lugõma. Ku varajadsõs hummogus olf noid saanu jo 267, ütli Piitrele: läämi är tarrõ magama! Nii saigi proovimagaminõ sääl pingi pääl är tettüs. Tuu juhtu õkva Võro liina sünnüpääväl.

Rebäne vaht kassi

Peie aiah lillipindreh hainaga sõta. Aig olf üle keskpääva, päiv paistu ja tuul puhksõ tassa. Lamba seivä üle tii nurmõh. Naabri, nuur abielopaar väiku latsõga, jalotiva küläkeskusõst kodo poolõ. Nä jäiva midägi mu tiotsa pääl kaema ja naanõ naas pildistämä. Lätsi kah kaema. Nurm om hää suur ja lambidõ süümisjärg olf liikunu kavvõlõ. Sääl, koh lamba inembä seivä, olle repän ja mu nuur kass paiupuhmu man. Repän mängse kassilõ umma tsõõrimängo, vahepääl jäi saisma ja pruuvsõ nuhuta vai sis ligembäle hüpätä. Tuupääle kass turtsõ ja lei käpaga.

Repän jälki karaš kavvõmbahe, pidi pausi ja naas vahtsõst tiirutama. Kass naas är väsumä, lasõ hinnäst kõrrast madalampa. Repän kaie, et nüüd omgi õigõ aig, ja tekä pikä hüppe õkva kassi sälgä. Edesi käve kõik nii kipõlt, et silm õigõhe es seletä. Paistu, et repän saie kassi hambihe, a silmäpilk ildamba pandsõ kass nigu must jutt puhma ja repän tälle perä. Viimäne asi, miä säält viil kuuldu, olle rebäse haugatus. Täüs suuga tä vast nii häste hellü tetä es saanu. Kassil olf tuust pääväst selge, et lambidõga kuuh nurmõh hiiri püüdä ei saa. Hiirt piät pasma, a lammass joositõlõs. Nii jäigi tä kafast maaha ja tuust aost pää-



le käü kõgõ mukka üteh, nurmõ olõ pääle tuud juhtumist iks inämb trehvänü ka keskpääväl nägemä. ORASSONI RAE-ADIINA

Latsilõ

Vastus saada üte nädäli joosul meiliaadrõssi pääle latsinukk@umaleht.ee vai postiga: Uma Leht, Tartu 48, 65609 Võro.

Vastussõ mano panõ kirja uma nimi, vannus ja kimmähe ka postiaadrõs.

Vastajidõ vaihõl loositas vällä võrokeelitsit välläandit.

Latsinukka tugõva Võro instituut ja Võro selts VKKF.

Minevä kõrra vastus: HÖRAGUMÄHL.

Avvohinna saava' PERNI HENRI (5) Võrolt ja MUSTA MIRKO (9) Tursa küläst.

Otsi' sõnarägästikust üles naa' sõna'. Perräjäänüist tähtist tulõ kokko üts mäarsõna.

aid, et, hõrak, ja, järv, kaar, kardohk, kurk, kuu, mehine, mesi, mustik, nisu, om, puu, põimukuu, rügä, siin, sitik, suvõkürvits, tomat, uakõdõr, vavvõrn, vili.

R	U	U	K	U	M	I	Õ	P	R	Ü	G	Ä
A	M	J	A	U	R	Õ	D	Õ	K	A	U	N
A	D	U	U	K	H	O	D	R	A	K	R	S
K	I	K	S	M	E	H	I	N	E	Õ	I	T
V	A	T	E	T	N	I	S	U	V	I	I	O
I	K	U	R	K	I	K	U	V	N	S	J	M
L	K	A	R	Õ	H	K	A	U	E	O	Ä	A
I	S	I	T	I	K	V	A	M	P	M	R	T
S	T	I	V	R	Ü	K	Õ	V	U	S	V	H

Parm tsuskas

Nalapildiga tsuskas ütiskunda mõnõst hellembäst kotussõst Rõugõ Rebäse külä miis VARUSTINI ANDRES, tunnõt ka nimega PARM.



Tossu Tilda pajatus

Lumõmemme tütrekene

Seo lugu juhtu päält kümne aasta tagasi, ku üte perre tütre käve algklassõn. Luu kõnõl mullõ näide imä Kasaritsast. Näil olf koton suur külmäkapp, midä päält tuu, ku moosi ja kompoti olli är süüdü, tarvitõdi panipaigana. Ütel keväjädsel pääväl kai pernaanõ Kaja, kiä olfgi latsi imä, et vana külmäkapp tulõs är puhasta. Ku tä olf jõudnu alomiidsi riilidõni, lõudse tä kapi põhast väiku lumõmemekese. Sääne, a pallo suurrõmb, olf saisnu näide hoovi pääl inne suurt keväjäst lumõsulamist.

Kaja tütre olli kah sääl-saman. Latsi nägodõ päält sai imä arvu, kost tuu lumõmemme tütrekene peri om. Latsõ tunni rõõmu väikust lumõmemmest, miä olf külmäkappi käkitü. Näil olf aoga uma looming meelestki lännü. Nä sussuti ja kussuti tuud tsillokõist lumõinemist tükk aigu, perän tull' näil tõisi tegemiisi ja lumõmemme tütrekene lätš meelest är. Hummogu olli muro pääl õnnõ hüdest mäntlinõpsi ja silmä ja ossakõisist naarusuu. Kevväi nakaš lõppõma ja suvi olf tulõman – mis tuust lumõmemmest ja timä latsõst inämb pikält pajata.

TOSSU TILDA

Muda Mari pajatus

Kahr katõ pujaga

Ma kuuli raadiost, et kahrugahtminõ nakas pääle. Mi mõtsa omma kahrõ täüs ni pääle jahimiihi läävä tõõsõki mõtsa. Ja kõik tahtva kahrugahtminõ telehvoniga pildi pääle saia. Mõni ulf taht viil kahrugahtminõ selhvõt kah tetä. Inämb ei pelgä inemise kedägi. Ku ma lats olli, sõs mu esäl olf uma knihv, kuimuudu hirmuta noid seeneliidsi ja mafa-

liidsi, kiä ummi pangõga õkva tarõ taadõ tulliva. Tä lätš juttu ajama ja nimmaš jutu seeh, et eelä olf tah kõndnu kahr katõ pujaga. No sõs nakaš kõikil mafaliidsil kipõ kodo minnä. Täambädsel aol avitas mõistust päähä tuvva vast tuu, ku kirotat Mofovihu, et kahr sei mõtsah üte seenelidse är. Mofovihu jo uskva kõik ja vast mõnigi nakkas uma elo peräst pelgämä.

MUDA MARI

Telli Uma Leht!

6 kuud – 6 €, 12 kuud – 12 €, e-arvõ püsिमассuleping 0.85 € kuun.

Telli saa ExpressPostist: tellimine.ee/umaleht, tel 617 7717.